

ՎԱՆԵՑԻ ՔԱՆԴԱԿԱԳՈՐԾԸ



Խորիմյան Հայ-
րիկի դասընկեր Գևորգ
Խուզավերդյանը պատա-
նեկան տարիներից նվիր-
վում է նկարչությանը և
քանդակագործության
արվեստին: Մանկու-
թյունից նա սիրել է նկա-
րել և փայտից, ծառի
ճյուղերից, տախտակի
կտորներից պատրաստել
ու քանդակել զանազան
խաղալիքներ: Իր այդ
աշխատանքներին մաս-
նակից է դարձնում իր
դասընկերոջը՝ ապագա
Ամենայն Հայոց Կաթո-
ղիկոսին՝ Խորիմյան
Հայրիկին:

Գևորգի ծնող-
ները տեսնելով, որ իրենց
տղան լուրջ հակումներ
ուՆԻ դեպի
նկարչությունը և
քանդակագործությունը,

որոշում են նրան ուղարկել Կ. Պոլիս՝ մասնագիտական կրթություն ստանալու համար:

Նրանց խրախուսում է նաև Խորիմյան Հայրիկը, որին սիրում և հարգում էին
Գևորգի ծնողները:

Վանեցի նկարիչ-քանդակագործ Գևորգ Ալիսասի Խուզավերդյանը սովորում է
Կ. Պոլսում 1850-1860 թթ.: Այդ տարիների ընթացքում, տարբեր առիթներով Խորիմյան
Հայրիկը երբ Վանից մեկնում է Կ. Պոլիս, հանդիպում է իր մտերիմ ընկերոջը՝ Գևորգին:
Խորիմյան Հայրիկը, տեսնելով և քննելով Գևորգի նկարչական նոր աշխատանքները,
չատ է ուրախանում, որ իր բարեկամն ուՆԻ լուրջ հաջողություններ իր
ստեղծագործական աշխատանքներում:

Խորմյան Հայրիկը ոգևորում է Գևորգին, ցանկանում նրան նորանոր ստեղծագործական հաջողություններ իր աշխատանքներում:

Այդ տարիներին Խորմյան Հայրիկն արդեն ուներ վճռական ազդեցություն վանում: Նա ուսուցիչ էր և կրթական տեսուչ, բանաստեղծ, խմբագիր, դաստիարակ և հրապարակախոս:

Վանեցի նկարիչ-քանդակագործ Գևորգ Խուզավերգյանը Կ. Պոլսում մասնագիտական կրթությունը ստանալուց հետո, վերադառնում է Վան և Խորմյան Հայրիկի առաջարկությամբ ու խորհրդով ձեռնամուխ լինում տեղի եկեղեցիների, վանքերի, դպրոցների, կրթօջախների վերանորոգման աշխատանքներին, նոր սրբապատկերներ նկարում:

1892 թ. Խորմյան Հայրիկը երբ ընտրվում է Ամենայն Հայոց Կաթողիկոս, որոշ ժամանակ անց, հատուկ հրավերով, նկարիչ-քանդակագործ Գևորգ Ալխասի Խուզավերգյանին Վանից կանչում է իր մոտ՝ Ս. Էջմիածին:

Ամենայն Հայոց Կաթողիկոսը Գևորգին ծանոթացնում է իր ապագա ծրագրերին՝ կապված Ս. Էջմիածնի եկեղեցիների, վանքերի վերանորոգման աշխատանքներին:

Նկարիչ Գևորգը մեծ խանդավառությամբ ընդունում է Խորմյան Հայրիկի առաջարկություններն ու ցանկությունները և իր նպաստը բերում դրանց իրականացմանը:

Տարիներ անց Խորմյան Հայրիկը, իր խոր ծերության հասակում, Գևորգին խնդրում է նաև, որ նա նախօրոք պատրաստի ու քանդակի իր գերեզմանաքարը: Գևորգի համար Խորմյան Հայրիկի այդ խնդրանքը լինում է անսպասելի:

Նա իհարկե չի մերժում և ձեռնամուխ է լինում այդ պատվավոր գործին, քանի որ այդ խնդրանքն իրեն առաջարկել էր իր մտերիմ բարեկամն ու ընկերը:

Ներկայումս Ս. Էջմիածնի Մայր տաճարի ավագ դռան առաջ Խորմյան Հայրիկի շիրիմի վրա տեղադրված տապանաքարը պատրաստել և քանդակել է վանեցի նկարիչ-քանդակագործ Գևորգ Խուզավերգյանը:

Մինչ Խորմյան Հայրիկի վախճանվելը ավարտելով աշխատանքը, այն թողնում է Ս. Էջմիածնում՝ ի հիշատակ Հայոց Հայրիկի:

Խորմյան Հայրիկը վախճանվում է 1907 թ., իսկ վանեցի նկարիչ-քանդակագործը՝ 1915 թ. Վանում, գաղթից մեկ ամիս առաջ:

Վանում նկարիչ Գևորգի տունը գտնվում էր Վանի Այգեստանի Խաչփողանում, Պստիկ Քյանդիչի անունով կոչվող աղբյուրի դիմաց: Նրա երկհարկանի տան մեծ սենյակի կենտրոնում դրված էր և այն զարդարում էր նկարիչ Գևորգի ձեռքով նկարված Խորմյան Հայրիկի մեծագիր նկարը:

Նկարիչ Գևորգը մի առանձին առիթով նկարում է նաև այդ տարիների Պարսից Շահի մեծագիր դիմանկարը և ուղարկում վերջինիս նվեր:

Գևորգը Պարսից Շահից ստանում է պատասխան նվեր՝ արծաթյա բռնակով սուր, կրծքանշան և պատվոգիր, որոնք Գևորգի տանը պահվել են մինչև 1915 թ.՝ Վանի մեծ գաղթը:

Գևորգն իր ճանապարհորդությունների ժամանակ միշտ իր հետ է վերցնում Պարսից Շահի կողմից իրեն նվիրած կրծքանշանը:

Օրերից մի օր, երբ նա իր ընկերոջ հետ Պոլսից վերադառնում է Վան,

ճանապարհին երկու քուրդ ավազակներ հարձակվում են նրանց վրա ու պահանջում զգեստները հանել, որպեսզի արտաքին շորերը մաքուր մնան արյունից:

Քուրդ ավազակի զենքի սպառնալիքի տակ երբ նկարիչ Գևորգը հանում է վրայի շորերը, նրա կրծքին երևում է պետական կրծքանշանը: Քուրդ ավազակը չփոթվում է՝ տեսնելով կրծքանշանը: Անմիջապես ձայն է տալիս իր մյուս ընկերոջը, որ հանգիստ թողնի Գևորգի ընկերոջը: Նրանք երկուսից էլ ներողություն են խնդրում իրենց արարքի համար և առաջարկում իրենց օգնությունը ու խոստանում, որ նրանց անվնաս և ապահով կհասցեն իրենց տուն:

Այդպես էլ անում են:

Գարսից Շահի կողմից ստացած կրծքանշանը փրկում է Գևորգի և ընկերոջ կյանքը անխուսափելի մահից:

Խրիմյան Հայրիկի և Նկարիչ Գևորգի մտերմության հիշողությունների մասին առիթից-առիթ իր կրտսեր եղբորը՝ Հայկին պատմել է Գևորգի ավագ դուստրը՝ Աննա Խուզավերդյանը:

Աննա Խուզավերդյանը, մինչ 1915 թ. գաղթը, Վանում ստացել էր միջնակարգ կրթություն: Գաղթից հետո նա բնակություն է հաստատում Երևանում, սովորում բժշկական քույրերի կուրսերում, որից հետո աշխատանքի է ընդունվում Երևանի ֆիզոթերապիայի հիվանդանոց-ինստիտուտում:

Նկարչական արվեստի շնորհը Գևորգ Խուզավերդյանից փոխանցվում է ընտանիքի մյուս անդամներին: Նկարիչ էր և Գևորգի 5-րդ զավակը՝ Խաչատուրը, ծնված 1900 թ.: Վանում Խաչատուրը երբ իր դասընկերներին ցույց է տալիս իր կատարած փոքր նկարները, դասընկերները ասում են նրան, որ նա տաղանդավոր նկարիչ կդառնա, ինչպես իր հայրն է կամ նկարիչ Փանոս Թերլեմեզյանը:

Խաչատուրի փոքր եղբայրը՝ Ահարոնը, ծնված 1906 թ., նույնպես մանկությունից երազել է նկարիչ դառնալ հոր և ավագ եղբոր նման:

Նկարիչ Ահարոն Գևորգի Խուզավերդյանը նկարչական բարձրագույն կրթությունը ստացել է Մոսկվայի Գեղարվեստի ինստիտուտում, որն ավարտել է 1939 թ.:

1966 թ. հունվարից Երևանում, Նկարիչների տանը, բացվում է Ահարոն Խուզավերդյանի հետմահու անցած 30 տարիների նկարչական աշխատանքների անհատական ցուցահանդեսը, որտեղ ցուցադրվել են նրա տարբեր ժանրերի շուրջ 130 աշխատանքները:

Հիմա Ահարոնի նկարներից 29-ը պահվում են Հայաստանի Պետական պատկերասրահում, իսկ 15 նկարներ՝ Ս. Պետերբուրգի Գեղարվեստի թանգարանում:

Հայկ Խուզավերդյան